

५४. चतुर्विंशतिजिनकल्याणकल्पः ।

इअ तीअवट्टमाणणागयचउवीसजिणवरिंदाणं । उसप्पिणिओस्सप्पिणिभवाण अणुलोम-पडिलोमा ॥ १ ॥	15
'सग्गाइअमहिवलया पंचसु भरहेसु एरवयपणगे । कल्लाणयमासतिहीओ सासया नय विदेहेसु ॥ २ ॥	
इगभत्तिनिविअआयामखमणमिगदु त्ति पंचकल्लाणे । इअ संखेवतवेणं आराहह पंचकल्लाणे ॥ ३ ॥	
वित्थरओ अ चउत्थं चुइ-जंमेसुं करिज्ज पत्तेअं । जिणच्चिणेणं तवसा दिक्खाइतिगं तु आराहे ॥ ४ ॥	
सुमइ उत्थ निच्चभत्तेण निग्गओ वासुपुज्ज चउत्थेणं । पासो मल्ली वि अ अट्टमेण सेसाओ छट्ठेणं ॥ ५ ॥	
अट्टमभत्तंतमी नाण मुसभ-मल्लि-नेमि-पासाणं । वसुपुज्ज स्स चउत्थेण छट्ठभत्तेण सेसाणं ॥ ६ ॥	20
चउदसमेणं उसभो वीरो छट्ठेण मासिए भत्ते । सिद्धा वयंमि सुमइ स्सुववासो निच्चभत्ते वि ॥ ७ ॥	
काउं कल्लाणतवं उज्जमणं जो करिज्ज विहिपुवं । जिणपह आराहणओ परमपयं पावए स कमा ॥ ८ ॥	
चुइ-जम्म-दिक्ख-केवल-सिवाइं कल्लाणयाइं पंचेव । सब्बजिणाणं छ पुणो वीर स्स सगग्गभहरणाई ॥ ९ ॥	
इह खित्तभवजिणाणं जो आराहेइ पंचकल्लाणं । ते दसखित्त-तिकालिअअरिहाण उवासिआ तेण ॥ १० ॥	
पणकल्लाणयकप्पं भवीण पूरिअमणिट्ठसंकप्पं । जो पढइ सुणइ भवो सयंवरा तस्स सिद्धिसिरी ॥ ११ ॥	25
॥ ग्रं० १३, अ० १५ ॥	

1 Pa परिपालयद् । 2 Pa निरिवरस्य । 3 B पिण्डकुण्डिमराज; Pa °कुण्डिइत्तिमराज । 4 Pa प्रोद्धसराज° ।
5 C रुद्रगणपति° । 6 Pb आरम°; C आराम° । 7 Pa सगाइअगयहि° ।